

Na osnovu člana 3. i člana 6. Pravilnika za stipendiranje djece šehida – poginulih boraca, ratnih vojnih invalida i demobilisanih boraca ("Službene novine Kantona Sarajevo", broj 32/11 i broj 41/13), Općinski Načelnik Općine Stari Grad Sarajevo raspisuje

JAVNI POZIV

za stipendiranje djece šehida – poginulih boraca, ratnih vojnih invalida i demobilisanih boraca u školskoj 2017/2018 godini

Pravo učešća na Javnom pozivu imaju djeca demobilisanih boraca, ratnih vojnih invalida, šehidskih, odnosno porodica palih boraca, koji su na redovnom školovanju u institucijama srednjeg i visokog obrazovanja na području Kantona Sarajevo i koji imaju prebivalište na području općine Stari Grad.

U školskoj **2017/2018** godini stipendirat će se:

a) SREDNJE OBRAZOVANJE

- 28 učenika I razreda
- 28 učenika II razreda
- 28 učenika III razreda
- 27 učenika IV razreda.

b) VISOKO OBRAZOVANJE

- 28 studenata I godine
- 28 studenata II godine
- 28 studenata III godine
- 27 studenata viših godina studija i magistranti

Ukoliko iz određenog razreda ili godine nema dovoljnog broja kandidata koji ispunjavaju kriterije Pravilnika, stipendije će se dodjeljivati učeniku ili studentu sljedećeg, višeg razreda ili godine. Stipendije se dodjeljuju za jednu školsku/nastavnu godinu i isplaćivat će se za **devet** mjeseci (za period septembar 2017. - maj 2018. godine).

Visina mjesečne stipendije za učenike i studente iznosi:

- **u srednjim školama80,00 KM**
- **u visokoškolskim ustanovama 120,00 KM**

Uz prijavu na Javni poziv kandidati trebaju dostaviti sljedeću dokumentaciju:

1. Zahtjev
2. Potvrdu o upisu u školsku 2017/2018 godinu
3. Prosjek ocjena iz prethodne školske godine (učenici mogu priložiti svjedočanstvo, a studenti moraju priložiti isključivo potvrdu o ocjenama iz prethodne godine studija)
4. Rodni list za kandidate
5. Prijavu mjesta prebivališta i kopiju lične karte za roditelje
6. Dokaz o učešću na takmičenju (da je osvojio/la jedno od prva tri mjesta na takmičenjima na općinskom, kantonalnom, federalnom, državnom i međunarodnom nivou)
7. Dokaz o materijalnom stanju (platna lista, ček od penzije, za nezaposlene potvrda Zavoda za zapošljavanje, potvrda da nema penziju, uvjerenje Poreske uprave za poreske obveznike sa visinom primanja, primanja iz oblasti boračko-invalidske i socijalne zaštite)
8. Kućna lista

9. Dokaz o statusu: uvjerenje o pripadnosti najmanje godinu dana neprekidno u OS BiH (za djecu boraca), rješenje o invalidnosti (za djecu RVI), rješenje o porodičnoj invalidnini (za djecu šehida odnosno palih boraca)
10. Dokaz da je jedan od roditelja nosilac najvećeg ratnog priznanja «Zlatni ljiljan» ili «Zlatna policijska značka»
11. Izjava da učenik odnosno student nije stipendista druge institucije
12. Dokaz za roditelja koji je kao RVI i demobilisani borac umro poslije rata
13. Dokaz za nezaposlene članove domaćinstva (za djecu uvjerenje o školovanju, za roditelje uvjerenje Biroa za zapošljavanje)

Stipendije se ne dodjeljuju kandidatima:

- čiji roditelji, odnosno uža porodica ima mjesečna primanja veća od dvije prosječne plaće FBiH iz prethodne godine
- koji se već stipendiraju iz drugih izvora
- za dva ili više učenika – studenata iz iste porodice
- učenicima ili studentima koji obnavljaju godinu, a koji su bili korisnici stipendije za istu godinu
- aplikantima sa navršenih 25 godina života
- djeci čiji roditelj nema najmanje jednu godinu neprekidno provedeno u ARBiH

Djeca bez oba roditelja, čiji su roditelji poginuli kao pripadnici Armije BiH, odnosno umrli nakon agresije, a čiji su jedan ili oba roditelja u toku agresije bili pripadnici Armije BiH, imaju pravo na dodjelu stipendije bez obzira da li ispunjavaju ostale uslove iz Pravilnika.

Kada prijavljeni kandidati pri bodovanju imaju isti broj bodova, prednost će imati:

- učenik - student koji ima bolji prosjek ocjena, a ako su isti onda će imati prednost kandidat čija su primanja po članu domaćinstva niža

Kandidati zahtjeve podnose u roku od **30** dana od dana objave u dnevnim novinama i web stranici Općine Stari Grad (www.starigrad.ba). Zahtjev se **obavezno** podnosi na propisanom obrascu (koji se može preuzeti u Šalter-sali, šalter broj 3 ili na web stranici Općine), lično na protokolu Općine ili putem pošte na adresu:

Općina Stari Grad Sarajevo
Služba za boračko – invalidsku i socijalnu zaštitu
(sa naznakom – Za konkurs za stipendiranje djece šehida-poginulih boraca, ratnih vojnih invalida i demobilisanih boraca)
Ulica Zelenih beretki broj 4
71 000 Sarajevo

Neblagovremene i nepotpune prijave se neće razmatrati.

Sve dodatne informacije zainteresovani mogu dobiti u Službi za boračko-invalidsku i socijalnu zaštitu Općine Stari Grad, lično ili putem telefona 033/282-374.

Obavijest o rezultatima konkursa dostavit će se kandidatima u roku od 15 (petnaest) dana od dana donošenja Odluke o izboru, a prigovor na Odluku o izboru može se podnijeti Drugostepenoj stručnoj komisiji Općinskog vijeća u roku od osam dana od prijema obavještenja.

Sarajevo, 30.10.2017.godine
Broj:01-05-4-2223/17

OPĆINSKI NAČELNIK
mr.Ibrahim Hadžibajrić